

Makitibi ki dɔsay ki Ja ndangi

Ta ki dɔ makitibi ti ki dɔsay ki Ja ndangi

Dəw ində tɔ Ja dɔ makitibi ti kin al, nə njé ki kəte gəri maji kadi makitibi je mitə e Ja ə ndangi-de. E ki dɔsay kin ɔji-je nə madi kare dɔ dije ti ki nje ndangi makitibi ndangi adi-de al. Ne kare ki ɓa, nje ndangi makitibi tɔji ndaji nə je madi ki rɔ njé kaw-naa je ti ki makitibi kin sɔbi dɔde adi j-o. Njé kaw-naae je kin, njé ki əli əi nə n-əi njé ra kilə lə Luwə, ki ndəmi rəbi kadi-me Kirisi rai-de majal ki nə ndo je ki ngom. Rai-de majal təkɪ j-o-n rɔ njé kaw-naa je ti lə Kirisi ngay go koy Kirisi ti. E mbata kin ə, nje ndangi makitibi ilə jine dɔ nə je ti joo me makitibi ti ləne:

Kilə dɪngəm me dije ti ki ndangi makitibi adi-de kadi njiyəi me kində rɔ naa ti ki rɔjeti ki Luwə nim ki NGone Jəju Kirisi nim. Ningə e nə ki sɔbi kadi a tɔji me ndigi-naa ti dande ti.

Rɔ ki nə ndo ki go rəbe ti al ki ə nə dɔndangi ki je me ti kin e dɔndangi ki rosi ki majal ɓi Kirisi ki e NGon lə Luwə asi kadi a təl rəne dəw ti re me ti al. Njé ndo nə je ki ngom kin əli təkɪ Jəju ki dɔndangi ti ne e dangi ki Kirisi ki e dəw ki Luwə mbəte. Əli əi nə Kirisi e dəw ki me ndil ti par ɓi dəw a oo-e al. Taa təli əli ɓəy tɔ təkɪ re dəw gər Luwə ki rəbi nə gər ləne, ɓa ingə kaji par ngata, ɓi e ta kadi go ti ə dije ndigi-naa je, rai nə ki go rəbe ti wa taa al ngata. Ningə əi je kin əi nə ndo

je ki go ræbe ti al ki ilæ kagi nõ Poy ta ti ki Maji,
 æ kadi e ki rø sæde.

Nje ndangi makitibi ilæ ngiræ ta læne ki ne ki uwæ mee ki e kadi tōgi njé kadi-me je me kindæ rø naa ti ki sōbi kadi indæi-naa ti ki Luwæ nim ki Jøju Kirisi nim kin, taa me kindæ rø naa ti dande ti nim tō (1.1-4). Lo kin ti, sōbi kadi ai dana me naji ki ma ti ki njé ki ooi Kirisi ki kæmde nim, ooi ta lie ki mbide nim mai kin. Nje ndangi makitibi dæji njé ki dangi makitibi kin adi-de kadi njyæi me kunji ti, tadō Luwæ e kunji. Ningæ e mbata kin æ, sōbi kadi rai kilæ ki ndu-kun ki dō ndigi-naa ti (1.5-2.17). Go ti, nje ndangi makitibi æl tæki njé tæ rø Kirisi ki tōgide ngay a ij taa, ningæ æi njé ngom je ki a naji tæki Jøju e Kirisi ki Luwæ mbæte kin al (2.18-29). Ba a nõo ole mede dō ti tæki njyæ me ne ra je ti ki røjeti, me ndigi-naa ti yo je ki ne je, ki me ka dō nja ti ki Jøju Kirisi kin æ e ne je ki tōji kadi je ngan læ Luwæ tæki røjeti (3.1-24). Go ti, nje ndangi makitibi tōji-de ræbi kør kæm ne ki røjeti al ki ne ki røjeti naa ti, 6a tæl re dō kō ta ti ki dō ndigi-naa ti ka kin bøy. Əl-de tæki ke dæw læ Luwæ e ndigi-naa, tadō Luwæ e nje ndigi dije (4.7-21). Jæ tæl ta makitibi læne ki kilæ ji dō ne ti ki bari-e kadi-me ki nje tæti rø, taa tæl re dō ngongi ta je ti madi tō (5.1-21).

Makitibi kin e makitibi ki ilæ jine dō ræbi njyæ ki Kirisi ti adi ay njay. Adi tōgi njé kun go Kirisi me mæ ta je ti læde, taa ra sæde kadi æsi ne ndo ki go ræbe ti al ki a ur ki dæw wale kin ngærangi nim, ilæ dingæm mede ti kadi gæri lo dō røde naa ti ki Jøju nim, ki ndigi-naa nim tō.

Ta Kaji

¹ Nē ki e lo kilə ngirə nē je ti[☆], nē ki j-o ki mbije, nē ki j-o ki kəmje, nē ki ji gō kəri kəri, nē ki jije ɔdi, e ta kaji ki biti ki nɔ̄ ti.

² Kaji kin ɔdi rənē adi j-o-e ki kəmje; ji ma naji lie. Ningə e mbata kin ə, j-isi j-ilə səsi mbə̄ kaji ki kəte e kadi Bawje Luwə ti, ɓa go ti, e ki tɛ̄ɛ̄ ki dɔe kadi-je.

³ Nē ki j-o ki kəmje nim, j-o ki mbije nim, ə səi ka j-ilə səsi mbə̄e tɔ. Lo kin ti, a indəi rəsi naa ti səje dɔ me kasi-naa ti ki j-aw-n ki Bawje Luwə nim, ki NGone Jəju Kirisi nim kin.

⁴ Ningə ji ndangi makitibi kin j-adi səsi kadi rənəl ləje asi-naa tapi.

Njiyə me kunjɪ ti

⁵ Luwə e kunjɪ, ngon til ki ndəy be ka goto rəe ti, ningə e kin ə e ta kilə mbə̄ ki j-ingə ta Jəju Kirisi ti ə je j-ilə səsi mbə̄e.

⁶ Kin ə re j-əli j-əi nə meje e naa ti ki Luwə, ningə j-ai nɔ̄̄ ji njiyəi me til ti ɓəy ə, j-əi njé ngom je, nē ki rɔ̄jeti goto rɔ̄je ti.

⁷ A re ji njiyəi me kunjɪ ti təkɪ Luwə wa e-n me kunjɪ kin be ɓa, me je e naa ti ki naa nim, taa məsi Jəju ki NGone togi majal je ləje pəti kɔ̄ tɔ.

⁸ Kin ə re j-əli j-əi nə ji rai majal al ə, j-isi j-ədi rɔ̄je j-əi je wa, taa nē ki rɔ̄jeti goto rɔ̄je ti tɔ.

⁹ Nə re ji tɛ̄ɛ̄ taje dɔ̄ majal je ti ləje ə, Luwə ki e dəw ki yəti ndune al nim, e dəw ki dana nim kin a iyə̄ go majal je ləje kɔ̄, taa a bər ra go ti al je ləje pəti kɔ̄ tɔ.

¹⁰ A kin ə re j-əli j-əi nə j-əi njé ra majal je al ə, ji ɓari Luwə nje ngom, ningə ta lie ka goto meje ti tɔ.

☆ 1:1 Ja 1.1

2

Kirisi, nje ra saje

¹ NGanm je, m-ndangi makitibi kin m-adi sasi mba kadi osi me majal ti al. A kin ə re dəw madi osi me majal ti ə, j-awi ki nje naji ta dəje ti ki isi kadi Bawje ti nō, adi e Jəju Kirisi, ki e dəw ki dana.

² Tado e e ə un rəne ilə kə adi koy mbata majal je ləje. Ningə e mbata majal je ləje par al, nə mbata majal je lə dije pəti ki dənangi ti ne.

Təl rə go ndu-kun ti ki bo ngay, ki e ndigi-naa

³ Re ji təl rəje go ndu-kun je ti ba, j-asi kadi j-əli ki me ki t̄j kati tək̄i ji gəri Luwə.

⁴ Dəw ki əl ə nə: «M-gər Luwə», nə təl rəne go ndu-kun je ti lie al, dəwe kin e nje ngom, ta ki rəjeti goto rəe ti.

⁵ Nə re dəw təl rəne go ndu Luwə ti ba, ndigi Luwə adi asi-naa tapi. Lo kin ti, j-a ji gəri ki me ki t̄j kati kadi meje e naa ti ki Luwə.

⁶ Dəw ki əl ə nə mene e naa ti ki Luwə ba, səbi kadi dəwe kin njiyə tək̄i ndə ki Jəju njiyə-n kin be.

⁷ Madim je, njé ndigi je ləm ki ngay, e ndu-kun ki sigi ba m-ndangi m-adi sasi al, nə e ndu-kun ki to mari nu, ki ingəi lo kilə ngirə kində ne je ti nu wa kin[☆]. Ndu kune ki to mari nu kin, e ta wa ki osi mbisi ti kəte nu kin.

⁸ Nə m-təl m-əl bəy tə m-ə nə e ndu-kun ki sigi ə m-ndangi m-adi sasi. Ningə kee ki rəjeti, dəw oo ki rə Kirisi ti nim ki rəsi ti nim, tado til də kə, adi kunji ki rəjeti ngata ə isi unji.

⁹ Dəw ki ə nə n-isi n-njiyə me kunji ti, nə a də ti nōō isi əsi ngokone ta ba, dəwe kin e me til ti wa bəy.

[☆] 2:7 Ja 13.34

10 Dəw ki ndigi ngokone, e me kunji ti, ne madi kare ki to rəe ti ki kadi a ra adi osi goto.

11 Nə dəw ki isi əsi ta ngokone, e me til ti; isi njiyə me til ti, gər lo ki isi aw ti al, tado til dibi kəme ti.

Kəsi rə ngərəngi ki ne ra je ki dənangi ti ne

12 NGanm je, m-ndangi makitibi kin m-adi səsi tado majal je ləsi e ki kiyə go kə ki takul Jəju Kirisi.

13 NJé koji-m je, m-ndangi makitibi kin m-adi səsi tado igəri dəw ki e kəte lo kilə ngirə ne je ti. NGan basa je ki ngan madi je, m-ndangi makitibi kin m-adi səsi tado itəti rə nje majal.

14 NGanm je, m-ndangi makitibi kin m-adi səsi tado igəri dəw ki e Bawje. NJé koji-m je, m-ndangi makitibi m-adi səsi tado igəri dəw ki e kəte lo kilə ngirə ne je ti. NGan basa je ki ngan madi je, m-ndangi makitibi m-adi səsi tado təgisi e ngay, ta lə Luwə uwə lo kisi mesi adi itəti rə nje majal.

15 Adi ne ra je ki majal ki dənangi ti ne kin uwə mesi al, taa adi mər ta je ki dənangi ti ne uwə mesi al nim tə. Kin ə re ne ra je ki dənangi ti ne uwə me dəw ə, dəwe kin lo kadi a ndigi Luwə goto.

16 Tado, ne ra je ki majal ki dənangi ki əi: ngur ra ndigi lə darə, ki kəm-nda, ki kində gu ki ne kingə je ki dənangi ti ne kin, ne je kin pəti ii rə Bawje Luwə ti al, nə ii dənangi ti ne.

17 NGa ningə dənangi ki ngur ne ra je ki majal ki me ti kin pəti a dəi, nə dəw ki nje ra go ndigi ti lə Luwə a isi ki dəne taa biti ki nq ti.

18 NGanm je, j-əi dəbəy ndə ti ngata. Ningə əli adi oi təkə nje tə rə Kirisi a re, nga ningə ki basine kin, dije ngay ki njé tə rə Kirisi a njiyəi ne. Lo kin ti, ji gər kadi je dəbəy ndə ti ngata.

19 Əi dije ki t̄eji danje ti ne ə awi, nə ke ə əi dije ləje ki r̄ojeti al. K̄in ə re əi dije ləje ki r̄ojeti ə re a isi səje ne. Nə t̄usi-je iȳəi-je be ə awi, kadi t̄oji ki taga t̄əki d̄əw kare dande ti ki e d̄əw ləje ki r̄ojeti goto.

20 Səi 6a, inḡəi ND̄il Luw̄ə ki K̄irisi adi səsi, ə ra adi iḡəri ne ki r̄ojeti.

21 NGa n̄inḡə, kin ə m-ndangi makitibi m-adi səsi 6a, e mbata ḡər 6a iḡəri ne ki r̄ojeti al al, nə e mbata ḡər ki iḡəri ne ki r̄ojeti ka kin ə m-ndangi-n makitibi m-adi səsi. N̄inḡə iḡəri maji kadi ne ki ngom a t̄e me ne ki r̄ojeti al t̄ə.

22 N̄ə ə e nje ngom ə? Nje ngom e d̄əw ki nje k̄əl k̄ə nə: «J̄əju e K̄irisi al» kin. Nje t̄ə r̄ə K̄irisi e d̄əw ki mbati Baw NGon əi ki NGon.

23 NGa n̄inḡə, d̄əw ki mbati NGon, d̄əwe kin uw̄ə Baw NGon ki r̄əne ti al jagi t̄ə.

24 Səi je 6a, maji kadi inḡəmi ta ki osi mbisi ti lo kil̄ə nḡir̄ə ne je ti nu kin maji. K̄in ə re inḡəmi ta ki osi mbisi ti lo kil̄ə nḡir̄ə ne je ti nu kin maji 6a, mesi a e naa ti kare ba ki NGon n̄im ki Bawe n̄im.

25 N̄inḡə kun m̄indi ki K̄irisi un adi-je e kaji ki bit̄i ki n̄ə ti.

26 Ne ki m-a d̄ə ti ngay ə m-ndangi-n makitibi kin m-adi səsi e ta l̄ə dije ki isi sangi kadi n-6uki səsi wale kin.

27 NGa n̄inḡə səi, ND̄il Luw̄ə ki K̄irisi adi səsi kin isi mesi ti, adi awi ki ndoo kadi d̄əw ndo səsi ne al. Ki r̄ojeti, ND̄il Luw̄ə ndo səsi ne je p̄əti, n̄inḡə ndo səsi ne ki r̄ojeti 6i ndo səsi ngom al. E mbata kin ə, kadi irai ne ki ndo səsi, adi mesi e naa ti ki K̄irisi.

28 Oyo, nganm je, adi mesi e naa ti ki K̄irisi, mba kadi j̄i t̄i meje kati lo ki a t̄e h̄əy, taa kadi j̄-il̄ə d̄əje nangi ki r̄əsal n̄əe ti, nd̄ə ree ti al t̄ə.

²⁹ Təki igəri kadi Kirişi e dəw ki dana, maji kadi indəi dəsi ti to təki dəw ki nje ra ne ki dana e ngon lə Luwə.

3

¹ Oi ndigi ki əti bəl ki Bawje Luwə ndigi-je kin! NDigi-je ndigi ki bar-n-je ngane je. Ningə j-əi ngane je təki rəjeti wa ka to! Kin ə re dije ki gei ne je ki dənangi ti ne ngay gəri-je al ə, təji kadi gəri Luwə.

² NJé ndigi je ləm ki ngay, ki basine kin j-əi ngan lə Luwə, nə ne ki j-a ji təl lo ti ti, to lo bəyɔ ti bəy. Ningə ne kare, ji gər kadi ndə ki Kirişi a tēē həy bə, j-a ji to titi-naa sie, tadə j-a j-o darəe wa təki rəjeti.

³ NGA ningə, dije pəti ki awi ki kində me ki be kin də Kirişi ti bə, a əgi rəde ra majal təki Kirişi wa tēē kadi majal ti al kin be.

⁴ Dəw ki ra ki ra majal, əsi ta ndu-kun lə Luwə, tadə majal ki ra e tə rə ndu-kun lə Luwə.

⁵ Igəri maji kadi Kirişi re mba kər majal je ləje, ningə e, dəw oo majal rəe ti al.

⁶ Lo kin ti, dəw ki a də Kirişi ti, e dəw ki a nay ki lo ra majal ti al, nə dəw ki nay ki lo ra majal ti, e dəw ki oo Kirişi al nim, gər-e al nim to.

⁷ NGANm je, indəi kəm-kədi də rəsi ti, adi dəw ədi səsi al. Kin ə re dəw ra ne dana bə, e dəw ki dana təki Kirişi e-n dəw ki dana kin be to.

⁸ Dəw ki nay ki lo ra majal ti, e dəw lə su, tadə su e nje ra majal lo kilə ngirə ne je ti nu. Ningə kire Ngon lə Luwə e ki mba kadi tuji kilə rae je.

⁹ Dəw ki təl rəne ngon Luwə ti, e dəw ki a iyə ta majal ki ra, tadə təgi ki j rə Luwə ti e rəe ti. Asi kadi a nay ki lo ra majal ti al, tadə Luwə e Bawe.

¹⁰ Rəbi ki kadi dəw a gər-n ngan lə Luwə ay njay dan ngan lə su ti ə to kin: dəw ki mbati ra ne ki dana nim, mbati ndigi ngokone nim e dəw lə Luwə al.

NDigi-naa

¹¹ MBe ta ki osi mbisi ti lo kilə ngirə ne je ti, e ta kadi indigi-naa ki yo je ki ne je✧.

¹² Ningə kadi irai təkı Kay ra-n kin al. Kay e dəw lə nje majal ə təl ngokone. Ningə e mbata ri ə təl-n ngokone ə? Təl-e mbata kilə rae e Kay majal, nə kilə ra ngokəe e kilə ra ki dana✧.

¹³ NGakom je, kin ə re dije ki ne ki dənangi ti ne nəl-de ngay ədi ta ləsi al ə, adi əti səsi bəl al.

¹⁴ J-əi, ji gəri kadi ji tēei me koy ti j-uri me kaji ti, tadə ji ndigi ngakoje je. E be tadə dəw ki ndigi ngokone al, e dəw ki isi gin təgi ti lə koy.

¹⁵ Dəw ki me majal ki ngokəe e dəw ki nje təl dije. NGA ningə igəri maji kadi dəw ki nje təl dije, kaji ki bitı ki nq ti goto rəe ti.

¹⁶ Ne ki kadi ji gər-n ne ki bari-e ndigi-naa ə to kin: Jəju Kirisi un rone ilə kə mbata ləje, e be ə, je ka maji kadi j-un rəje j-ilə kə mbata ti lə ngakoje je tə.

¹⁷ Ne kare, kin ə re dəw aw ki ne kingə je ki dənangi ti ne, ə oo ngokone me ndoo ti, nə uti kəmne dəe ti ningə, ndigi Luwə to ra be rəe ti ə?

¹⁸ NGakom je, adi ji ndigi-naa ki bəl ta je ki taje ti ne par al, nə adi ji ndigi-naa ki kilə ji kadi-naa, me ne ra ti ki rəjeti.

¹⁹ Lo kin ti, j-a ji gəri kadi j-əi dije lə ta ki rəjeti, ngata ningə, ta kəm Luwə ti, j-a j-iləi meje nangi.

²⁰ Təkı rəjeti, re meje uwə-je ki ta ka, ji gər kadi Luwə itə meje taa, gər ne je pəti tə.

✧ 3:11 Ja 13.34 ✧ 3:12 Kilə ngirə ne je 4.1-8

21 NJé ndigi je ləm ki ngay, kin ə re meje gangi ta dɔje ti al ə, j-a j-əl ta ki Luwə ki me ki t̃i kati.

22 Ne je pəti ki ji dɔje, j-a j-ingə rɔe ti, tadɔ ji təl rɔje go ndu-kun je ti lie nim, ji ra ne je ki nəl-e nim.

23 NGa ningə, ndu ki un adi-je ə to kin: e ta kadi j-ade meje ki tɔ NGone Jəju Kirisi, taa kadi ji ndigi-naa ki yo je ki ne je təki Kirisi adi-n-je ndune[☆].

24 Dəw ki ngəm ndu-kun je kin, e dəw ki a dɔ Luwə ti nim, Luwə isi mee ti nim tɔ. Ne ki kadi ji gər-n təki Luwə isi meje ti, e ki takul NDile ki adi-je.

4

Gər NDil Luwə ki ndil ki majal

1 NJé ndigi je ləm, dije ki isi əli əi nə n-awi ki ndil mede ti kin itaai mede pəti al, nə kadi nai-de oi ɔəy taa se NDil ki awi e NDil ki j̃ rɔ Luwə ti wa. Tadɔ njé ngom je ngay ki njé kəl kə nə n-əi njé kəl ta je ki ta Luwə ti, sanəi-naa dɔnangi ti ne.

2 Dəw ki ra ki gər kadi Jəju Kirisi təl rɔne dəw ti aw ki NDil Luwə mene ti, ningə e kin ə e rəbi ki kadi igərii NDil Luwə.

3 Ningə dəw ki mbat̃i kadi gər təki Jəju Kirisi təl rɔne dəw ti, aw ki NDil Luwə mene ti al, nə e ndil nje bə lə Kirisi yo ə aw-n mene ti. Əli adi oi ki mbisi təki nje bə lə Kirisi a re, ningə ki ɔasine kin, re e dɔnangi ti ne ngata.

4 Səi nganm je, səi dije lə Luwə, ningə səi itəti rɔ dije ki njé kəl kə nə n-əi njé kəl ta ki ta Luwə ti kin, tadɔ NDil ki awi mesi ti itə ndil ki isi me dije ti ki njé kɔdi ta lə Luwə al.

☆ 3:23 Ja 13.34; 15.12; 17

⁵ NJé ngom je ki njé kəl kə nə n-əi njé kəl ta ki ta Luwə ti ka kin əi me ne ra ti ki ɔsi ta Luwə, taa ta kəl-de ka e ta kəl ki ɔsi ta Luwə tɔ. E mbata kin ə dije ki njé kədi ta lə Luwə al ooi ta ləde maji ngay.

⁶ NGa ningə, j-əi, j-əi dije lə Luwə adi dəw ki gər Luwə ɓa a oo ta ləje, nə dəw ki e dəw lə Luwə al, a oo ta ləje al. Lo kin ti, j-a ji gəri NDil ki rɔjetɪ ki ndil ki ngom.

NDigi-naa j rɔ Luwə ti

⁷ NJé ndigi je ləm ki ngay, adi ji ndigi-naa ki yo je ki ne je, tado ndigi-naa j rɔ Luwə ti. Dəw ki nje ndigi madine e ngon lə Luwə, taa e dəw ki gər Luwə tɔ.

⁸ Nə dəw ki ndigi madine al, gər Luwə al, tado Luwə e dəw ki nje ndigi dije.

⁹ Oi tɔji ki Luwə tɔji-je ndigi ki ndigi-je kin: Luwə ilə NGonne ki kare ba be dɔnangi ti ne kadi tə ki go rəbi lie ɓa j-isi-n ki dɔje taa.

¹⁰ E je ɓa ji ndigi Luwə al, nə e e ə ndigi-je, ə ilə NGonne ki un rəne ile kɔ kadi-kare ti mbata kigə-n dɔ majal je ləje[☆].

¹¹ NJé ndigi je ləm ki ngay, kin ə Luwə ndigi-je be ningə, sɔbi kadi j-əi ka ji ndigi-naa ki yo je ki ne je tɔ.

¹² Dəw ki oo Luwə ki kəmne goto, nə kin ə ji ndigi-naa ki yo je ki ne je ɓa, Luwə isi meje ti, ningə ndigi dije lie tɔji rəne ki taga rɔje ti tɔ.

¹³ Ne ki a ra kadi ji gəri-n təkɪ j-isi me Luwə ti nim Luwə isi meje ti nim e NDile ki adi-je.

¹⁴ NGa ningə, je j-o ki kəmje nim, ji ma naje nim təkɪ Bawje Luwə ilə ki NGone kadi aji dije ki dɔnangi ti ne.

☆ 4:10 2.2

¹⁵ Kin ə re dəw gər kadi Jəju e ngon Luwə ə, Luwə isi mee ti nim, e isi me Luwə ti nim.

¹⁶ Ba j-əi, ji gəri maji nim, j-adi meje nim təki Luwə ndigi-je. Luwə e nje ndigi dije, adi dəw ki njiyə me ndigi-naa ti, Luwə e mee ti nim, e e me Luwə ti nim tə.

¹⁷ Kin ə re ji ndigi-naa j-adi osi rəbə pay 6a, j-a ji ti meje kati ndə gangi ta ti. J-a ji ti meje kati tadə ji kisi ki də taa ləje dənangi ti ne to tə ya Kirişi be tə.

¹⁸ Bəl goto me ndigi-naa ti, ndigi-naa ki rəjeti ər bəl kə. Bəl e ne ki təji kində kəji ki kadi a re, ningə dəw ki nje bəl e dəw ki ndigi-naa goto rəe ti.

¹⁹ J-əi 6a, ji ndigi-naa tadə e Luwə ə ndigi-je kəte.

²⁰ Kin ə re dəw madi əl ə nə: «M-ndigi Luwə», ningə təl əsi ta ngokone ə, e dəw ki nje ngom kare. Kin ə re ngokəi ki o-e ki kəmi ne kin indige al ə, Luwə ki o-e ki kəmi al kin asi kadi a indige al.

²¹ *NDu-kun ki j-ingə rə Luwə ti əl ə nə: «Dəw ki ndigi Luwə 6a, səbi kadi ndigi ngokone tə.»

5

Kadi-me NGon Luwə e ngirə ndigi-naa

¹ Dəw ki adi mene kadi Jəju e *Dəw ki Luwə mbəte e ngon lə Luwə. NGa ningə, dəw ki ndigi baw ngon, ndigi ngone ki oje tə.

² Kin ə re ji ndigi Luwə, ə ji rai kilə ki ndu-kun je lie ningə, lo kin ti ə j-a ji gəri-n təki ji ndigi ngane je.

³ Tadə ndigi Luwə e ta kadi ji ngəmi go ndu-kun lie. Ningə ndu-kun je lie əy al tə,

⁴ mbata ngan lə Luwə pəti təti rə ndigi ra ki dənangi ti ne. Ningə ne ki ji təti-n rə ndigi ra ki dənangi ti ne e kadi-me ləje.

⁵ Nā ə asi kadi tətī rō ndigī ra kī dōnangī tī ne ə? Dəwe ɓa e dəw kī adi mene kadi Jəju e ngon Luwə kin par.

Naji kī ma kī dō Jəju tī

⁶ E Jəju Kirisi ə re dōnangī tī ne kī man batəm ləne nīm kī məsi koyne nīm. Re kī man par al, nə re kī man əi kī məsi. Nīngə NDil ə e nje ma naji, mbata NDil e ta kī rōjetī.

⁷ Ba kī ne kin, njé ma naji je əi mītə,

⁸ adi e NDil Luwə nīm, man nīm, taa məsi nīm tō. Nīngə nē je kī mītə kin ndude e naa tī.

⁹ Ji taa naji kī ma lə dije maji, nə naji kī ma lə Luwə tōge e ngay wa ɓəy tō; nīngə e naji kī ma kī ma dō NGonne tī.

¹⁰ Dəw kī adi mene NGon Luwə aw kī naji kī ma kin mene tī, nə dəw kī taa ta lə Luwə al, ra-e nje ngom tī, tadō taa naji kī ma kī Luwə ma dō NGonne tī kin al.

Kaji kī bitī kī nō tī

¹¹ Najī kī ma kī kadi jī gəri maji e kaji kī bitī kī nō tī kī Luwə adi-je kin. Nīngə e kaji kī adi-je kī takul NGone.

¹² Dəw kī e me NGon tī ingə kaji, nə dəw kī e me NGon tī al, kaji lie goto.

¹³ NGa nīngə, kī ne kin, m-ndangī makitibi kin m-adi səsi, səi kī adi mesī NGon Luwə, kadi igəri təkī ingəi kaji kī bitī kī nō tī.

Kəl ta kī Luwə mbata lə njé ra majal je

¹⁴ Kin ə re jī dəji Luwə nē kī go ndigī tī lie ə, a oo dō nduje, nīngə lo kin tī, j-a jī tī meje kati.

¹⁵ Təkī jī gər kadi oo dō nduje, jī tī meje kati kadi j-a j-ingə nē kī jī dəje tō.

¹⁶ Kɪn ə dəw madi oo ngokone me majal ti ki asi kadi tɛɛ koy ə, maji kadi əl ta ki Luwə ə Luwə a aje. E dije ki majal je ləde a tɛɛ koy al ə ta kin sɔbi dɔde. Ta kare, majal madi e nɔɔ a tɛɛ ki koy, ningə e ko majal ki be kin ɓa m-dəji səsi kadi əli ta ki Luwə dɔ ti al.

¹⁷ Ne ra ki go ti al pəti e majal, nə majal pəti ɓa tɛɛ koy al.

¹⁸ Ji gər kadi dije ki əi ngan lə Luwə, a nayi-naa ki lo ra majal ti al, tadɔ NGon lə Luwə ngəm dɔde, nje majal asi ra səde ne madi al.

¹⁹ Ji gər kadi je dije lə Luwə, nə dɔnangi ba pəti e gin tɔgi ti lə nje majal.

²⁰ Ji gər ɓəy tɔ kadi NGon lə Luwə re, adi-je ne gər ki kadi ji gər-n Luwə ki rɔjeti. Ningə je, j-ɪndə rɔje naa ti ki Luwə ki rɔjeti ki takul NGone Jəju Kirisi. E ə e Luwə ki rɔjeti, e ə e kaji ki biti ki nɔ ti.

²¹ NGanm je, ɔgi rɔsi kun go kagi yo je.

KĒLƏ-MĪNDĪ KĪ SĪGĪ

New Testament in Bedjond (CD:bjv:Bedjond)

copyright © 2011 Wycliffe Bible Translators, Inc.

Language: Bedjond

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bedjond

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2021-11-01

PDF generated using Haiola and XeLaTeX on 25 Aug 2024 from source files
dated 29 Jan 2022
a4f34a03-c89e-55e0-bc3f-22f7829df823